

15.10.2016.



U Goraždu je od 13-15.10.2016.godine održana 13. tradicionalna privredno-kulturna manifestacija „Dani jabuke.“

Uz veliki broj građana, otvorenju sajma prisustvovali su i gosti iz drugih kantona i općina, te predstavnici zakonodavne i izvršne vlasti BPK Goražde i općina u njegovom sastavu.

U ime organizatora, prisutne goste i posjetioce pozdravio je predsjednik Upravnog odbora Privredno-kulturne manifestacije „Dani jabuke“ Mirsad Hubanić koji je izrazio zadovoljstvo zbog velike posjećenosti i zainteresovanosti izlagača da predstave svoje proizvode na ovogodišnjem sajmu.

– Izlagači iz Crne Gore, Srbije, Makedonije, Albanije, Hrvatske, kao i učenici pooljoprivredno-tehničkih škola iz ovih država dali su ovoj manifestaciji internacionalnu dimenziju. Vaš dolazak u Goražde i vašu podršku bilo koje vrste, razumjeli smo kao pruženu ruku prijateljstva – istakao je Hubanić u svom obraćanju.





